

حمایت امیرالمؤمنینؑ از زن عرب
و گریز به احوالات حضرت زهراؑ
دوبیت

بیر گون دیار کوفه ده شیر خدا علی
بیر کوچه دن ائدوردی گذر مقتدا علی
زهرا غمینده گوزلری چوخ اشکباریدی
یول گئتدوگیجه فکری فقط فکر یاریدی
ناگه قولاقینه یتیشوب غملی بیر صدا
بیر عورتین سسیدی او جالمیشدی برملا
آغلار گوزیله دادینه مسلوردی داوری
معلوم اولان وئوردی او بی یاری همسری
هی مسلوردی داده گلن یوخدی بیر نفر
ناحق ائویمده همسیریم آخر منی دؤر

بو ناله یولدا حیدر کزّاری ساخلادی
 قلبی دوشوب تلاطمه شدتله آغلادی
 شیرخدادی جوشه گلوب غیرت علی
 سلب اولدی دیزلرینده اودم طاقت علی
 فوراً او مس گلن قاپونی وردی مرتضی
 بیر آز گئچوب گلوب قاپیا صاحب سرا
 عرض ایلدی بیور ندی امرون بیان ائله
 یوخدور گورور من ایندی که هیچ منده حوصله
 فرمایش ائندی شیر خدا شاه لافتی
 مظلومون آهی باعث اولوب گلمیشم بورا
 قهر و غضبله صاحب خانه ائدوب بیان
 ردّ اول بو آستانه دن ای مرد مهربان
 ئوز منزلیمدی مالکیم شرعاً ای عزیز
 آزادم ئوز ائویمده پله اولما اشک ریز

دعوا ائدوب اونیلا عناد اوسته دورمیشام
 ئوز همسریمدی صورتینه سیلی ورمیشام
 شیر خدانی گندی بو سوزلر اودم دیله
 فرمایش ایلیوبدی اونا بیرجه صبر ائله
 سوزیوخ بو ملک و خانه که یکسر سنونکیدی
 وار اختیاری سنده او همسر سنونکیدی
 اما چتیندی چوخ من زاره بو مرحله
 مظلومون آهی چیخدی بو ائودن ولی چوله
 علت اودور که من بورا امداده گلیمیشم
 بیر بی پناهه چاره و فریاده گلیمیشم
 شرعاً ده ایستسون گرک احقاق حق اولا
 شاید بو بارهده او خانم مستحق اولا
 من حاکم اریکه دین و دیانتیم
 حیدر آدیمدی مجری عدل و عدالتیم

قرآنہ وار عقیدون اگر ائتمہ امتناء
 تنبہین حدینی ائلیوب سورہ نساء
 مندن قبول ائله بو سوزی واردی حکمتی
 ورمازلا شرعیدہ بو سیاقیلہ عورتی
 وار خواهشیم قبول ائله سن بو نصیحتی
 ائتمز قبول گر کیشینون اولسا غیرتی
 مردون گرکدی ائودہ یانا قلبی یارینہ
 ورما اماندی سیلی اونون گل عذارینہ
 سیلی سوزی دوشندہ وورو اود نہادیمہ
 مظلومہ دلبریمی سالور فوری یادیمہ
 دام جفا او بی کس و بی یارہ قوردیلار
 ناحق اونوندا صورتینہ سیلی وردیلار
 وردون اگر عیالوی سن ائودہ کوفہذہ
 زهرانی وردی ثانی نامرد کوچہذہ

بیر کیمسه اولمادی دینه ای پست بی حیا
 ورما آنانی خرده اوشاقی باخابا
 ئوز دردی بسدی ایلمه چوخ ظلموی علن
 شرم ائت باخور بو منظریه باغریقان حسن
 آخر مریض و حامله و ناتوانیدور
 یول گوزلیور بالالاری چوخ ناگرانیدور
 یوخدور آناسی، قارداشی، باشی بلالیدور
 اگنینه وار قراسی گورورسن عزالیدور
 لازمدی دهریده سیزه طاهانون حرمتی
 چوخ تاپشوروبدی سیزلره قرآن و عترتی
 یوخدور بونون که بیر کسینه شهریده ایشی
 اجر رسالتی بله ساخلالا ناکیشی